



COMUNU DE DOMUS DE MARIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

BÌSITA IN SA DOMU MUSEU DE DOMUS DE MARIA

Mèrcuris 02 de su mesi de ladàmini, is pipius e is picocus de sa scola nostra ant bisitau sa mostra de fotografias e archeològia "Monumenti nuragici a Domus De Maria" cuncordada me in sa Domu Museu, a incuru de su Comunu de Domus de Maria, e postu aintru de su programa prus mannu de allistimentu torra de sa Domu Museu, a primitziai de sa balorizatzioni de is emergèntzias de s'Edadi Nuraxesa.

Su progetu dd'eus presentau po sa primu borta aintru de s'eventu chi tenit dexi annus 'Note di Settembre' 2024" chi at permitiu a is picocus, curiosus e allutus, de amirai is ripresas fotogràficas fatas cun is dronis dae su fotògrafu Alberto Masala, mentras sa spricadura dd'at fata su Mibac, Sovrintendenza de Cagliari-Oristano cun sa ghia de sa Dotora Archeòloga Chiara Pilo.

Su Sìndigu de su Comunu de Domus de Maria, Dotora Maria Concetta Spada, at amostau sa mostra fotogràfica e is arrastus nuraxesus de contu agataus me in su territòriu e postas in is tecas.

Is discentis, curiosus, ant amostau interessu po sa stòria de su territòriu insoru e fatu preguntas apitzus de su passau. Custus argumentus ant a essi arrexonaus in sa scola, intamis de s'annu scolàsticu.

Bella dii diaderus e torraus gràtzias a sa Dirigidora scolàstica e is maistrus po custa bella faina donada a is picocus.

Arremonaus a totu sa popolatzioni chi sa mostra sighit fintzas a s'8 de su mesi de ladàmini.